

- Finansijska sredstva - Fondacija "Ekipa" za programske sadržaje: 47.513,00 KM
ZOI '84 - Materijalni troškovi za dvoranu "Zetra": 10.000,00
7. Ceremonija svečanog paljenja olimpijskog plamena
Organizator: Grad Sarajevo
08. 02. 2009. godine - 15,44 sati - Stadion Koševo
 8. Svečana sjednica povodom obilježavanja godišnjice XIV ZOI -SARAJEVO '84
Organizator: Grad Sarajevo i Olimpijski komitet
08. 02. 2009. godine - 19,00 sati - Olimpijski komitet -Zetra
Finansijski troškovi - Doštampavanje olimpijskog kataloga: 7.500,00 - Olimpijski muzej
 9. Svečani prijem i koktel
Organizator: Grad Sarajevo
08. 02. 2009. godine - 20,00 sati - Olimpijski muzej -Zetra
Finansijski troškovi - 3.000,00 KM
 10. Turnir hokeja na ledu "Sarajevo Kid's 2009."
Organizator: HK "Bosna" Sarajevo
08.02.2009. godine - Olimpijska dvorana "Zetra"
Finansijska sredstva - 10.000,00 KM
 11. FIS KUP Sarajevo - IV zvanično FIS takmičenje u snowboardu
Orgnizator: Udruženje snowboard klub "Free Stavle"
16. - 17. 02. 2009. godine -Sarajevo -Bjelašnica
Finansijska sredstva - 8.000,00 KM
 12. III Medunarodni duatlon KUP - "Igman 2009."
Organizator: Triatlon organizacija u BiH
17. 02. 2009. godine - Igman - Veliko polje
Finansijska sredstva - 5.000,00 KM
 13. Otvoreno prvenstvo u umjetničkom klizanju - Otvoreno prvenstvo BiH u brzinskom klizanju
Organizator: Klizački savez BiH i Klizački klub "Bosna"
20. - 22. 02. 2009. godine - Olimpijski kompleks "Zetra"
Finansijska sredstva - 15.000,00 KM
- Gradonačelnik Grada Sarajeva će, po usvajanju ovog programa, formirati Izvršni odbor za obilježavanje 25. godišnjice XIV ZOI - Sarajevo '84 koji će vršiti izmjene i dopune ovog Programa u skladu sa prispjelim prijedlozima i planiranim finansijskim sredstvima, isti realizirati, te podnijeti izvještaj Gradskom vijeću.

OPĆINA CENTAR

Općinsko vijeće

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 6. februara 2009. godine, verificovao je i donio

ODLUKU

O KOREKCIJI IZMJENE I DOPUNE REGULACIONOG PLANA POSLOVNE ZONE "ŠIP"

Član 1.

Utvrđuje se korekcija Izmjene i dopune Regulacionog plana Poslovne zone "Šip" ("Službene novine Kantona Sarajevo", broj 2/07), u daljnjem tekstu: korekcija Plana.

Član 2.

Korekcijom Plana stvara se planski preduvjet za dogradnju postojećeg poslovnog objekta investitora TP "Bunjo", koji egzistira na zemljištu označenom kao k.č. broj 818/1 K.O. Sarajevo VI. Predmetna dogradnja je sa zapadne strane matičnog objekta, u max. širini od 7,25 m i vertikalnom gabaritu P+I, a prema Idejnom projektu koji je izradio investitor i koji je sastavni dio Elaborata Korekcije Plana. Namjena dograđenog dijela je, kao i matičnog objekta, poslovna.

Član 3.

Korekcija Plana sastoji se iz tekstualnog dijela i grafičkog priloga, sa prikazanom parcelom i objektom, koji je predmet korekcije.

Tekstualni dio i grafički prilog korekcije Plana, sastavni su dio Izmjene i dopune Regulacionog plana Poslovne zone "Šip" ("Službene novine Kantona Sarajevo", broj 2/07).

Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Izmjene i dopune Regulacionog plana Poslovne zone "Šip", te pribavi suglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i u

Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 10-23-709/09

6. februara 2009. godine
Sarajevo

Općinski načelnik
Dževad Bećirević, s. r.

Napomena: Objavljeno na oglasnoj ploči Općine Centar 9. 2. 2009. godine

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 6. februara 2009. godine, verificovao je i donio

ODLUKU

O KOREKCIJI REGULACIONOG PLANA "PANJINA KULA-HRASTOVI, LOKALITET BREKA"

Član 1.

Utvrđuje se korekcija Regulacionog plana "Panjina kula-Hrastovi, lokalitet Breka" ("Službene novine Kantona Sarajevo", broj 17/06), u daljnjem tekstu: korekcija Plana.

Član 2.

Korekcija Plana odnosi se na parcelu, na grafičkom prilogu "Plan parcelacije" označenu brojem 39, odnosno na grafičkom prilogu "Razmještaj, spratnost i namjena objekata" označenu brojem 75 (zemljište označeno, po novom premjeru kao k.č. broj 2204/6 i k.č. broj 2204/7 K.O. Sarajevo V). Korekcijom Plana se iz parcele 39, odnosno 75, isključuje zemljište označeno kao k.č. broj 2204/7 K.O. Sarajevo V, za koje je kao posjednik upisan Zavod za izgradnju KS.

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom koja je predmet korekcije.

Tekstualni dio i grafički prilog korekcije Plana, sastavni su dio Regulacionog plana "Panjina kula-Hrastovi, lokalitet Breka" ("Službene novine Kantona Sarajevo", broj 17/06).